

益陽縣志

127029
38
16



湖廣總督李鑒定

益陽縣志

同治甲戌歲

文閣藏版

序

扶輿清淑之氣融為川瀆結為
山阜旁魄鬱積間世而一鍾偉
人益陽自秦時隸長沙置縣最
古竟內浮邱諸山秀出霞表據
衡嶽之左股資水繞之千里一

碧演迤晃漾以達於湖闡闡昌
丰舟車殷賑行省以西一大都
會也士生是邦代有俊傑自胡
文忠公出中興之功論者首推
之於是益陽之名益震爆於天
下余於咸豐壬子曾宰縣事越



二十年總制全楚奉

命來湘而趙君裴哲傅君名作姚君
紹崇及文忠之介弟裴翼重修
縣志適成謁余為序蓋椎輪於
舊志而芟其蕃庶增益所未備
其體例則準之朝邑武功靈壽

三志稽考精覈部居秩然敘事
嚴而有法為卷二十五盈尺之
帙苞舉四竟史才具焉其間山
川之險易田賦之等差氓俗之
澆醇戶口之增耗皆余所身歷
足踐而心與為繚繞者前塵影

迹重一披尋青蓋行春恍忽若
夢又念當日與文忠相知為深
師次宿松時夜少翦燭慨然以
天下自任且相屬也東南既復
中原大定天下想締造之難公
已先卒於軍竟未獲竟其志而

目覩其盛焉意者清淑之氣間
世一洩猶有未盡必更有駿雄
非常之人含章挺生為載乘光
者是余之所厚期而都人士所
當交相勛也爰書之以為序
同治十年辛未嘉平月

誥授光祿大夫頭品頂戴兵部尚書
都察院右都御史總督湖廣等
處地方軍務合肥李瀚章撰
誥授建威將軍承襲一等毅勇侯湘
鄉曾紀澤書

重修益陽縣志序

益志自嘉慶庚辰續修迄今五十年此五十年中水旱兵戈相繼間作賴

朝廷清明戡定而整齊之而人事之盛衰世運之升降遞推遞衍於此五十年中多足感予心者戊辰之冬奉檄攝斯篆大府以重修邑志相屬予是以審慎其

事會商邑人士開館採輯取舊志讀之主修諸賢令在明有若周濟有若劉激有若朱錄亦越

聖朝有若江闔有若高自位有若裴成章是六修者皆綱舉目張足為史鑑者也其人又皆政績炳然禦災捍患至今頌聲未歇見之志中者皆可徵也心儀之竊

欲步其後塵居亡何雨發江漲所在決隄堰毀田廬人民離散求所為胥匡以生者日夕禱祀卒不得請豈古今人不相及歟抑予所以致敬而誠若者未足以感孚歟質諸在昔遺愛有甚惡然於吾心者邑人士苟有救荒良法足以蘇吾民是予所拜嘉奉為三策之書者也

志圖甫成視舊志有增行且為予繪鄭氏流民圖以志吾未盡休養生息之過予曷敢辭厥咎遂書以為序

大清同治八年歲次己巳冬至前一日

知益陽縣事仁和姚念揚銘三甫撰

重修益陽縣志序

予豈嚴酷不恤斯民哉日取吾民敲扑
馬桎梏焉又從而宜岸宜獄焉誠有所
弗忍顧非是曷使民日遷善遠辜而知
所懲創也邑仁里素著多矣予下車以
來巡行所至由治東而下循蘭溪泉交
河旋繞石崙橋一帶由治西而上循桃

江修山旋繞馬家塘一帶蓋嘗採風而
問俗焉湖山數百里中每經村落點閱
團練旗幟鮮明隊仗齊整小戎駟鐵之
風殆將恍惚見之偶微行思覓高人奇
士與之把臂而澗溪沼沚之旁林深箐
密之所多閉關却掃不與外人通一語
邂逅二三父老攜杖攀轅歡迎道左微

叩之輒指陳風土雞犬桑麻皆能道之
津津有味已而偵強禦詰奸宄攘之剔
之拔其根株而後已此豈有畏民志歟
抑將蘄於風俗純厚洵舊志所云家嫻
禮義而化易孚地足漁樵而人樂業歟
新志行且告竣編次之下景曩主修遺
微不惟有明暨

國初諸老泰山北斗高不可攀即前任率
作興事予亦無能企其幹濟惟是夙夜
匪懈上體

聖天子辟以止辟刑期無刑之心欲令吾民
無即愒淫誠如予所流覽之區渾々噩
噩不失太古遺風又復守望相助漸可
幾之有勇知方予雖有志未逮竊願匡

直輔翼而毅然振新之也書之以當序
云時

大清同治十二年癸酉歲孟冬月穀旦
欽加知州銜知湖南長沙府益陽縣事

陽湖呂懋恒慎伯氏撰

重修益陽縣志序

事莫難於創始而樂於圖成湖南續修通志徵乘於邑蓋自同治丙寅以來三令五申矣時江侯肇成肩任其事集諸薦紳謀之旋卸篆輒謁嗣陸侯運景諸侯桓到任伸前議俱不果漸探某邑志具稿某邑志開雕而邑事遲之又久此

固經費之艱而亦夫公夫慎相與共事之惟其人甚矣創始若斯之難也迺者姚侯念楊下車即以志為初政以禮為羅羣賢畢至刻期興修自二月入館至今冬月採訪彙輯雲集響應遂斷而礮之而上檄不時敦催疑亦急就章耳迨

綜

國朝三志雖校訛者更之缺者補之義理未
協者削之凡諸門類元元本本靡不精
細詳審始開館予深慮諸同事意見未
合或相抵牾曠日持久無以副姚侯懃
懇至意而應諸大憲之命已而倚裳聯
襪絕無畛域之嫌不朞年案牘盈尺一
展卷而縷晰條分不圖成功有若斯之

勤且敏也天下事翕然同心何事不可
為不且即一志覘其概哉

益陽縣教諭凌漢倬撰

同治八年歲次己巳仲冬月穀旦

益陽縣志竣修序

事不曰始終而曰終始明乎無終則亦無始也美弗彰而盛弗傳也益志曷始乎始之於姚侯銘三也曷終乎終之於呂侯慎伯也順昌備員冷署于茲八年矣素稔是邦山川之形勝人物

之瑰竒功勛之烜赫科第之崢嶸風會所開美矣非虛言也竊慕垂之邑乘被之風琴雅管囊鼓軒舞煌煌乎其盛矣乎然非得一賢有司如姚侯者搜巖探幹燦至風起烏能先睹之為快快睹矣年不順成又適姚侯解

組經費不敷剝削民行行且止
遲又久又將束之高閣從來遠
大之模固有留待不能一蹴而
致且必兩美而後合歟天假之
緣又得一廉敬廉能即今呂侯
者百廢具張尤惓惓是書謀付
諸梓遂克已事而竣其在生民

之十章曰辭之輯矣又曰辭之
懌矣姚侯有焉其在烝民之六
章曰維仲山甫舉之又曰維仲
山甫補之呂侯有焉是為序

益陽縣訓導姜順昌撰
同治十二年癸酉歲冬月穀旦

益陽縣志卷首

新序

修纂職銜

舊序

舊志修纂職銜

凡例

詔諭

圖象

- | | | | |
|------|------|-------|-------|
| 分星圖 | 縣境全圖 | 城池圖 | 縣治舊圖 |
| 公署圖 | 學宮圖 | 龍洲書院圖 | 箴言書院圖 |
| 十景圖 | 小廬山圖 | 浮邱山圖 | 九岡山圖 |
| 雲膚山圖 | 馬跡堂圖 | 桃江圖 | 蘭溪圖 |
| 資水圖 | 志江圖 | 堤垸圖 | 廿三廂里圖 |

益陽縣志

卷首

目錄

一

卷之一

輿地志上

置里 里志 里域

極度 附星野

沿革 附表

卷之二

輿地志下

山川

關隘

風俗

物產

卷之三

營建志上

城池 附街道

公署 附禁獄 養濟 育嬰堂

倉庫

市鎮

卷之四

營建志下

津梁

坊表

卷之五

益陽縣志

卷首

目錄

一一

民賦志上

戶口

土田

水利 隄堰 陂塘

賦役

積儲

卷之六

民賦志下

公產

卷之七

學校志上